

*De ingenio et acuminis orationis  
Germanorum*

II n  
1376

Geminam  
**Orationem Valedictoriam,**

Quarum alteram

**JOHANNES GEORGIUS Blüch/**  
Teichwolframsdorffio Variscus,

Alteram vero

**RUDOLPHUS AUGUSTUS Wilmann/**  
Æterlinenf. Misnicus,

Cives Illustris Augustei,

Tam morum, quam literarum studio

indefesso ornatissimi,

Cras, annuente Deo,

H. L. Q. C.

habebit,


*Qua decet observantia  
& humanitate indicie*

**M. JOHANN. CHRISTOPH. Strange/**

Phil. Civil. & Eloqu. Prof. Publ.

LEUCOPETRÆ, CHARACTERE, BRUHLIANO.





**S**icuti nullum tam bene cultum, tantoque studio præparatum agrum reperies, cujus frugibus nequicquam succrescat lolii; ita nullam gentium nationem deprehendes, quæ omni careat vitio, nulloque infamis sit dedecore. Libido studiumque mentiendi Cretensium; Perfidia Pœnorum, Thracum Phrygumque Itupiditas, antiqva quidem, sed manifesta & pervulgata harum gentium sunt opprobria. Toto terrarum orbe Græcorum celebratur sapientia; sed multum laudis horum famæ detrahunt ineptiæ, quibus olim indulserunt homines literatissimi. Famosissimo enim proverbio locum dederunt, quo ineptissimum quemque Græculum appellare solemus. Hispanis fastum; Gallis levitatem; malitiam Italis, & aliis alia exprobrant morum censors. Neque Germaniam nostram adeo intemeratam, & ab omni labe puram fingimus, ut nihil omnino sit, quod reprehendas. Et sicuti dementiæ esset, ea velle diffiteri, quæ omnibus nota sunt; ita nemo nostratium æquo animo feret convitia, quibus gentem nostram proscindunt obtrectatores. Nam præter bibendi cupiditatem, nescio certe quam forniciam, quemve stuporem tribuant Germanis, quo nihil acuti, nihilque ingeniosi ab illis excogitari posse dicunt. Sed unde hoc ipsius somnium? Ex Tacito forsitan inaudiverunt, Tuistonem, Deum, terra editum, primævum gentis nostræ conditorem extitisse. Hinc optimum quemque Germanorum Antæum, hoc est vecordem stupidumque terræ filium esse, arbitrantur. Ast, si hæc simplicitatis nostræ causa est, miror profecto, unde tam pulchrum plenumque sapientiæ nomen acceperint Germani, Teuthonesque appellari cœperint? Teuthus certe primus & antiqvissimus hujus appellationis con-

conditor, divino ingenio, tantaque fuisse sapientia fertur, ut illis quoque hoc nomen dederit, quos penes summae divinitatis fuit opinio. Aegyptios enim sapientissimum quemque Teuth vocitasse, auctor est Julius Caesar Scaliger in Epitaphio eorum, qui ad Viennam pro libertate Christiana bello Turcico ceciderant. Et sicuti honor & reverentia, quibus olim Herculem, Deorum fortissimum profecuti sunt, fortitudinem Germanorum arguit; ita non minus antiquam sapientiam indicat cultus, quo Deum, eloquentiae & sapientiae praesidem, Mercurium, dignati sunt. Sed haec nimis antiqua forte sunt, quae memoriam fugiunt malevolorum; age igitur ad recentiora progrediemur. Si omni mentis acumine vacant Germani, unde quaeso, tot nobilissimarum artium inventiones? Ferri fodinas invenisse Germanos, primumque enses in Norico fabricatum esse, testis est magnus, quem modo citavi, Scaliger. Quis tormenta reperit, horrenda belli machinamenta, quibus nulla non firmamenta quaerunt, labefactant, dejiciunt & subvertunt? Germanus. Quis tympani fuit inventor? Germanus. Nec bellicis tantum, sed literariis etiam inventis celebratur Germania; chartae enim praedicatur inventrix, quae nihil utilius, rei que literariae accommodatius excogitari potuit. Hinc vitae humanitatem & memoriam hujus usu maxime constare, sapienter dixit Plinius, Lib. XIII. cap. XI. Et, si nulla res alia acutissimum proderet Germanorum ingenium, id sola certe patefaceret Typographia, faustissima bonarum artium adjutrix; cujus inventionem nostratibus tribuunt auctores gravissimi, Polydorus Virgilius, Sebastianus Munsterus, Franciscus Philephus, Philippus Beroaldus, & alii. Et quamquam praclarum hoc ingenii monumentum alii nobis invident, aliisque gentibus id vindicare studeant, nunquam tamen immortalem hanc nobis eripient gloriam. De caeteris ingenii nostri documentis plura dicere supersedeo, cum publica prostant testimonia, quae mentis vigorem & acrimoniam Germanorum satis manifesto ostantant. Nulla est elegantioris

lite-



literaturæ portio, quam non penitus animo imbiberint illi, præstantissimoq; studio illustraverint. Si quid etiam artis ab exteris accepit nostra natio, hujus industria amplius excolta & præclarissimis inventis aucta est, ut laudatus Scaliger, Germaniam non immerito perfectum quendam orbem appellaverit, qui nullius vel rei vel sapientiæ egeat. Aut si jucundius sit, quod hostis perhibet, testimonium, Bodinum audiamus, Germanorum famæ & existimationi inimicissimum, qui, invidiæ oblitus, palam fatetur, Germanos humanitate Asiaticis: disciplina Romanis: Religione Hebræis: Philosophia Græcis: Geometria Ægyptiis: Arithmetica Phœnicibus: Astrologia Chaldæis: opificiorum varietate populis omnibus facile superiores videri. En iliadem in nuce, quam pluribus explicandam sibi sumserunt duo illustris Augustei Cives, Musarum nostrarum consortio dignissimi; alter JOHANNES GEORGIUS *Blud!* Teichwolfframbsdorffio Variscus; alter RUDOLPHUS AUGUSTUS ULLMANN, *Ælterlinenf. Misnicus.* Quisicuti hæc tenus tam morum, quam literarum indefesso studio suas diligentissime observarunt partes; ita nunc in eos sunt, ut Musis Augustis vale dicendo, ultimam quoque legibus nostris præstent obedientiam. Cui officio præmittent Orationes *alteram de vitiis; alteram vero de virtutibus Germanorum.* Has ut Domini Meccænatæ, Patroni, Præceptores, Fautores & Commilitones benevola præsentia & attentione dignari velint, decentissimis precibus, omniqve studio mecum contendunt. Ego sicuti utriusque salutem quotidie magis magisque promotam cupio; ita tuam imprimis, Mi Glücki, summis Meccænatibus atqve Patronis etiam atqve etiam commendo, Deumqve precor, ut fidem & industriam, quas liberis meis instituendis, recte qve educandis impendisti, felicissimo studiorum successu, & exoptato remunerari velit eventu! P. P. d. XII. Sept.


A. O. R. MDCCIII.

108 (2) 801

Mc

*De ingenio et acumine oratoris  
Germanorum*

II n.  
1376



Geminam  
n Valedictoriam,  
varum alteram

**GEORGIUS** *Blüch*/  
framsdorrffio Variscus,  
Alteram vero

**AUGUSTUS** *Wilmann*/  
linenf. Misnicus,  
es Illustris Augustei,

n, qvam literarum studio  
defeffio ornatiffimi,  
s, annuente Deo,  
H. L. Q. C.

habebit,  
va decet *observantia*  
& *humanitate indicit*

**N. CHRISTOPH.** *Stange*/  
Civil. & Eloqu. Prof. Publ.

CHARACTERE, BRUHLIANO.

